



Hmasawna Thar

(A N I N D E P E N D E N T D A I L Y N E W S P A P E R)

Regd. No. RNI - 40917/89 | Postal Regd. No. MNP - 67

Daily & Direct Service

JIRIBAM / HMARKHAWLIEN

C/o Babita # 9862129273

Contact Numbers pawimaw :
DC/CCPur : 03874-234234
SP/CCPur : 03874-236747
Police Station : 03874-202248
SP Control Room : 03874-233239
Dist. Hospital Casualty : 03874-233370
Fire Brigade : 8974 147 799/
8258 057 887 / 8974 103 600

Hmasawna Thar Vol - 32/194

Churachandpur

email : hmasawnnatharnews@yahoo.com

Phone: +91-3874-236846

Rs 6/- per copy

Gilgal Children Home in 7th Graduation an hman



CCPur: Gilgal Children Home, Muolvaipei, CC-Pur chun April 30, 2017 chawhnung 2:00PM khan an campus Chapel-ah Graduation a wavisari-na (7th graduation) an hman.

Hi huna hin Home Administrator Rev. James Lalrobul chun graduates students mi 19 hai kuomah Certificate inhlan na nei a. Rev. Michael Zokhuma Zote chun Pathien thucha hrilna le graduates hai ta dinga malsawm tawngtaipekna a nei a. Zantieng hlimtlang takin ruoi an kiltlang. Zanita graduates hai hi naupang chite an nia inthawka Rev. James Lalrobul enkawlna hnuoia Home-a um le seilien an nih.

Tuhin Gilgal Children Home a hin nu le pa nei talo, enkawltu ding nei lo, riengvai le fahra naupang 300 vel an umin Rev. James Lalrobul hin mani thisena insieng ang ela hmangai taka a enkawltu an nih. Kohran nu le pa hai tawngtaina lo san

hlak dingin Rev. James Lalrobul chun Kohran mipui hai a fiel.

Home a um naupang thenkhat lem chu enkawl buoithlak tak takel, an slipper le thuumhnaw khawm enkawl le vawng him thei lo; thenkhat lem chu nitin deuthawa slipper sukhmang pawl, inchawkkep zo chau khawma sukhmang nawk el pawl khawm an um hlahk thu Home Administrator Rev. James Lalrobul chun a hril.

Hiengang ngirhmuna khawm Pathien hmangaina indiktat neia, lungsen le hrangkhum el loa thiem taka Home-a um naupang hai enkawltu Rev. James Lalrobul hi inpak a um hla a, Riengvai le chanhai hai nu le pa a tling takzet a nih.

Hmatiang tuong taka Home enkawl peia Pathien malsawmna dawng pei dingin ei chanchinbu chun Administrator hi ditsakna an hlan a, Home-a inthawka graduates hai khawm hlawtling pei dingin ditsakna an hlan baw.

Red Beacon Sukbo hi VIP Culture sukbona ding a nih: PM VIP nêkin EPI (Every Person is Important) ti lem ding a nih

NEW DELHI (PTI): Prime Minister Mr Narendra Modi chun, ei rama mi thenkhat an lungrihal midang neka lien le pawimawa ingaina um tah VIP Culture sukbona dingin Red Beacon hman hi ei sukbo a nih, tiin a hril a. Very Important Person (VIP) ti ni ta lovin, EPI ti lem ding a nih - chu chu Every Person is Important tina a nih, tiin a hril baw.

Sawkrin motor-a Red Beacon hai hman khapna thupek a puong hma met khawm kham, India ram mipui Crore 125 hai ei pawimawna le hlutna an ang sêng a nih tiin a lo hril tah. Thla tina a thaw hlahk anga tuta thlaa "Mann Ki Baat" radio a thuhriina chun, "Minister le milien danghai motor haia inthawka Red Beacon ei lak thlâk



hman kham, mipui haiin VIP culture hi an lo hnam hla a nih ti ei hriet thei chau a nih" tiin a hril.

Prime Minister chun, Red Beacon hin a hmanthuhai lungrihal ngaidan tha lo tak, mi dang neka pawimaw intina lungrihal a siem pek a. Chu chun mi danghai hmu

hnuoia le midang neka pawimaw intina VIP Culture tha lo chi khat a siem niin a hril a. "Ei tawngrieta in a mi hril dan chun, miin a motor chungah Red Beacon a hmaning, a hmanthu lungrihal VIP intina lungrihal a tu a, chu chun VIP Culture tha lo damte te'n a siem tah

hlak a nih" tiin a hril. Prime Minister chun, "Amiruokchu, a "Lal Batti" (Red Beacon) a bo taa chu, hi lei hin lungrihal lo into tah VIP Culture chu bo ngahl a tih tukhawmin ti thei naw ma nih" tiin VIP Culture lungrihal insieng tah chu a bo hmakna ding chun hun a

tuol ding thu a hril baw. A hril pei dan chun, Red Beacon (motor chungah light sen ri nei) lak thlâk rawtna kha chu administrative thlutkna lei a nih a. Mipuihai lungrihal inthawka VIP Culture sukbona ding le lak hmaning ding ruok chun bei fet a la ngai el thei thu a hril a. "Ei rengin ei thangruol phawt chun, hi khawm hi ngaituona lungrihal inthawka la thaibo thei ning a ti" tiin a hril baw.

Prime Minister Mr Modi chun, a sawkrin "New India" siem a tum dan le a concept chu, VIP neka EPI (Every Person is Important) ti thupi changchawia hman râwn lem hi niin a hril a. "VIP aiah EPI ka ti hin a thiltum le meaning chu a chieng a nih - a umzie chu mi po po hi ei pawimaw vawng (Ev-

ery Person is Important) tina a nih" tiin a hril.

"Mi tinin hlutna le pawimawna ei nei seng a. Ei ram mipui Crore 125 hai hlutna le pawimawna hi hriepui vawng ngai pawimaw vawng inla chu, ei ram lientaka mipui tam-takhai beiseina le duthusam po po ei sukputling vawng phât chu ieng ang lawma ropui le nasa hlawtlingna le hmasawna am a nih ding ngaituo hman ro. Ei rengin ei thaw tlang a tu a nih, ei hlâwtling theina ding" tiin mipuihai an fui baw.

Prime Minister hmalâkna Red Beacon hman le VIP Culture sukbo tumna hi mi tamtakin an thlawp a. Abikin milâr celebrity hai khâwmin an thlawp a. Bollywood actress Priyeta Zinta khâwmin tha a ti thu a hril.

Social media-a thu inleng vel thuah Hangkhanlian in hrilfienna a siem Bill chungthu ti lo demand dang keilut sa chu sawrkar ngaidan a ni nawh

CCPur: Tulaia What'sApp fethleng thuthang tum tum inleng vel le inzawmin 58-CCPur A/C MLA le Minister (Agriculture, Veterinary & Animal Husbandary), V. Hangkhanlian chun zani zantieng 1:30PM khan a chengnain Zehang Lamka-ah reporters hai an hmuipui.

V. Hangkhanlian chun, April 26, 2017 nia Langkhanpau Guite, ex-Chairman, ADCC in Press/Media fethleng MDC sungthu agent le inzawm a hril hai chu thudik vawng a ninaw thu hrilin, Langkhanpau thangan MDC iemanizat Easter Sunday ni kham an biekpui thu hrilin, JAC-AATB in sawrkar demand an nei hai chungthua an ngaidan khawm an dawn thu, chu hunah MDC



tam lemin martyrs hai vui tha an ti niin a hril a. Ama mimalin martyrs hai ruong vui tha a ti le tinaw a hrilnaw thu, state sawrkar in ngaidan a nei hai, palai tir ding a ti a ni dungzua hman la a ni thu hai a hril.

Ama mimala mithi vui nuom nia hril chu ni lovin sawrkar ngaidan a ni thu, ama khawm MLA dinga thlangting a ni dungzua mipui le sawrkar inkara palai a ni thu, mipui le hotu hai khawm ingaituo thar a, iem sawrkar kuoma intun a tha ding ti ngaituo ding le palaina sin thaw dinga inringa zinga um a ni thu a hril.

A hril peinaah Sawrkar-in Bill 3 a passed hai le inzawm indin JAC-AATB in a thaw ding a thaw ta angin a ngai a, Bill a fethleng tanaw bakah tlangmi hai pawl taw thei ding Bill hrim hrim pass a ni hmain stakeholder hai irawnpui a, chu zoa bill pass a ni chau ding thu sawrkar in tiem ta a, sawrkar khawm ei ring ngam a pawimaw a nih. JAC-AATB le inbieknaah Bill chungthu ti lo Demand dang putlut chu sawrkar ngaidan a ni nawh tiin a hril baw.

Sixth Schedule demand chugnthua chun, State sawrkarin So hnuoia um UPF le KNO han inbiekna fe pei ani lein demand dang nei sa chu sawrkar a nuom naw a nih. August

31 Unity Day a State Holiday-a puong dinga JAC-AATB in an ngen khawm sawrkarin a remtinaw a, a ni inser chu a khap naw a, sienkhawm June Uprising Day le a dang dang khawm State Holiday a puong ninaw sienkhawm inerna sawrkarin khap lo dingan an tiem a nih tiin a hril baw.

State sawrkar chu pasalt ha hai ralna Rs. 10,00,000/- seng; hliem inrik 8 hai kuomah Rs. 2,00,000 seng bakah hliemna tuok dang mi 46 hai kuomah Rs. 50,000/- seng pek dinga inpeisa a ni thu, pasaltha hai hrietzingna dinga Park baw/ khawm sawrkarin a hnel nawh tiin V. Hangkhanlian chun a hril.

IB Road lampui siem mek chu ruosur leia la sukhaw phawt a ni thu, fund um sa umnaw sienkhawm Nehru Marg, Thangzam Road, Red Cross Road hai khawm siem a ni ding thu, Tipaimukh Road khawm BRO kuoma siem dinga nawr a ni ta thu indawna dawmin a hril baw.

Kangpokpi area-ah Oil Tankers 3 kap an nih

IMPAL: Zani zingkar dar 5:40 vel kham Impal a inthawka Dimapur pana fe oil tankers 3 hai chu NH-2 (Imphal-Dimapur Road) a Chanjoubung le Kangpokpi inkarah an lo kap a, Diesel tanker MN03-0911 driver Raju Karti, Diesel tanker AS01-DD-4718 driver T.B Singh le Petrol tanker MN01-8327 driver Chandra hai an hliem.

Raju Karti hai a banah a hliem a, a motor hmun 6-7 lai silaimu'n a deng fuk. Oil tanker dang 2 hai khawm hmun tam takah a deng fuk. Hi thu an hriet le iruolin L.Kailun IGP(Zone-II & IG/AP/OPS) hai irawinain Impal East, Impal West, Thoubal le Bishnupur haia Combine Commando Police han Kangpokpi area hi an pan ngah a, Chanjoubung le Kangpokpi area haiah dapui an thaw ngah a, mi man



an nei thu ruok chu hriet a la ni nawh. April 18, 2017 khawm kham Kangpokpi area-ah hin oil tankers pahni kap an lo nit a baw.

Chun, Jan 22, 2017 khan NH-37(Imphal-Jiribam Road) a Awangkhlul hmuna oil tankers pahni kap an lo ni baw. April 21, 2017 a Kangpokpi hmuna oil tankers kapnaa thang KCP(Lalheiba) le KNF(N) pawl thenkhat Police chun an man thu an lo hril ta a nih.

Thlipui hrangin thil tam tak a suksiet

IMPAL: Zani hmasa zanril lai khan Impal khawpui le a se velah thlipui hrat takin a hrang a, electric ban le hru nasa takin a mut siet. Chun thungkum tam tak a mut thluk baw. Mihriem thi le hliem ruok chu an um

nawh. Chun, April 28, 2017 zan khawm kham thlipui hrangin Kongba Road, Impal East District-a Manipur Hindi Parchar Sabha building a muttuk lo, naupang pakhat a luah hliemna a tuok a, Hospital panpui a nih.

May 3 a inthawh HG han nuorna

IMPAL: An hlaw suk-pung ding an ngenna State Sawrkarin a ngaisak naw leia lungawi lovin Manipur Home Guards han May 3, 2017 a inthawh an inthaw chawlsana nuorna nei tan an tih tiin Y.Mangi Singh, President, Manipur Home Guard Employees welfare association(MHGWA) chun Impal-ah chanchinbumihai an hmuipui huna

a hril. Supreme Court chun Home Guard-hai chu IRB le Police Constable-hai hlaw ang tho hlaw pek ding an nih tina a lo rel tasa a nih. High Court of Manipur khawma Supreme Court order hi zui le hmang dingin Manipur thu a pek ta a, nisienlakhawm Manipur sawrkarin tuchen hin an la sukputling naw a nih.

CHANCHIN LAKTAWI

Grade-II Employee Gen. Assembly

CCPur: May 1, 2017, 11AM hin Grade IV Employee Association, Churachandpur chun CMO Conference Hall, CCPur hmuna 9th General Assembly le Election nei an tih. Hi huna hin member hai kim taka thang seng dingin Mangchinlu, Inf. Secretary, chun inhriet-tirna a siem bakah fund la pe lo han hi huna pei dingin an hrietir baw.

Photography training

CCPur: May 1, 2017 a inthawk hin For One Life, Asia huoihawntain kartin Thawt anni, Thawleni le Nilaini 1PM-3PM haiah Blue Room, Life Cafe hmuna Photography Training course thla 6 sung aw ding tan ning a tih. Training sung hin Camera controls, Composition, Portraits, Photo Journalism le hriet ding tul dang dang hai inchuktirna pek ning a tih. Course fee Rs. 3000 a ni a, a thang nuom han Life Cafe, Rengkai, CC-Pur hmuna ngaiven le thang thei ning a tih. DSLR Camera nei han mani ta hmang thei ning a ta, a nei lo hai khawm training-na hmuna camera hmang thei ning a tih. Trainer ding chu US Professional photographer Tom Eby ning a tih.

GAS NEWS

Agency : KIM JOE
Booking : 28th Jan., 2017 to 28th. FEB., 2017
Delivery: 1-05-2017 (MON)
Time : 9AM-till stock
STOCK: 306
DBC/NC ngavien thei

A pangngain an service nawk ta ding

CCPur: Churachandpur-Imphal Taxi Owners Society (CITOS)/Winger chungthua buoia um chun April 29, 2017 (Inrinni) khan sukfel le inremna siem a ni tah. Hi lei hin May 1, 2017 a inthawk nidang ang bawkin a pangngain service nawk tang an tih tiin Thanglien Touthang, Secretary, Home and Judiciary Board, Kuki Inpi, Churachandpur (KIC) chun April 30, 2017 khan thusuok a siem.

Hi buoia chungthua tuta hi Kuki Inpi CCPur (KIC) le an zawmpui KKL GHQ le KSO, CCPur chun thlutukna hi siem a ni a, hi le

Student hai ta ding Salvation Camp

CCPur: Independent Church of India, Rêngkai Local Church, Evangelism Department chun hung thung ding May 4-6 inkar sung khin Muolvaipei-a NPT tawngtaina tlangah "Salvation Camp for Intellectual Persons" ti, High School le Higher Secondary school inchuklaihai ta dingin sandamna camp buotsai ning a tih.

Hi Sandamna Camp-a sandamna camp lo nei tahai naw ang deu hlekin resource persons hai uma nei ning a ta. Resource Persons hai le an thupui lak ding chu: Rev. Neichawngthang-in "Sandamna" ning a ta, Dr Upa H.L. Liensang-in "What a teenager must know" (Tleirawlin a hriet ding chu) ti ning a ta, Dr Dorothy-in "Career Guidance" ning a tih.

Rev. Neichawngthang, Awptu pastor Rengkai chun, inchuklai tleirawlihai Pathien sandamna thua an hin chieng a pawimaw zie hrilin, camp hlâwtling taka hmang a ni theina dinga mi tinin tawngtainaha lo san seng dingin a ngên.

Chairman- M. Haopu Haokip; Vice Chairman Mr Romeo Singh; General Secretary- Mr Rupachandra; Jt. Secretary- Mr Letgoulen; Finance Secretary- Mr L. Basanta; Treasurer- Mr Onkchahao le Secretary Information dingin Mr Tomba Singh (CCPur) le Mr Autumn Seamen Singh (Imphal) hai an nih tiin thusuok chun a hril.

inzawm hin April 30, 2017 khan KIC Head Office-ah term khat sungin CITOS Office beares dingin hieng a hnuoia mi hai hi thlangting an nih.

Chairman- M. Haopu Haokip; Vice Chairman Mr Romeo Singh; General Secretary- Mr Rupachandra; Jt. Secretary- Mr Letgoulen; Finance Secretary- Mr L. Basanta; Treasurer- Mr Onkchahao le Secretary Information dingin Mr Tomba Singh (CCPur) le Mr Autumn Seamen Singh (Imphal) hai an nih tiin thusuok chun a hril.

Student hai ta ding Salvation Camp

CCPur: Independent Church of India, Rêngkai Local Church, Evangelism Department chun hung thung ding May 4-6 inkar sung khin Muolvaipei-a NPT tawngtaina tlangah "Salvation Camp for Intellectual Persons" ti, High School le Higher Secondary school inchuklaihai ta dingin sandamna camp buotsai ning a tih.

Hi Sandamna Camp-a sandamna camp lo nei tahai naw ang deu hlekin resource persons hai uma nei ning a ta. Resource Persons hai le an thupui lak ding chu: Rev. Neichawngthang-in "Sandamna" ning a ta, Dr Upa H.L. Liensang-in "What a teenager must know" (Tleirawlin a hriet ding chu) ti ning a ta, Dr Dorothy-in "Career Guidance" ning a tih.

Rev. Neichawngthang, Awptu pastor Rengkai chun, inchuklai tleirawlihai Pathien sandamna thua an hin chieng a pawimaw zie hrilin, camp hlâwtling taka hmang a ni theina dinga mi tinin tawngtainaha lo san seng dingin a ngên.

Higher secondary level SSC Exam



CCPur: Staff Selection Commission (SSC) huoihawntain zanikhan India ram pumipuihai Central govt. hnuoia department tum tuma thawk ding lakna dinga Higher Secondary Level exam nei a nih.

Churachandpur district khawm Exam centre pakhatu ruot a ni angin zanikhan Centre pahni haiah candidates 1,544 in exam an pek a, candidates 710 an absent.

CCPur Govt. College Centre morning shift-ah candidate 384 um hai lai candidates 259 an exam a, candidates 125 an absent, Evening shift-ah candidates 384 um lai candidate 261 an exam a, candidates 123 an absent. Rayburn College Centre morning shift-ah candidates

745 um hai lai candidates 512 an exam a, candidates 233 an absent a, Evening shift ah candidates 730 um hai lai 521 an exam a, candidates 229 an absent.

Morning shift hi zing dar 10 a tan a nih.

Indopui pahina huna bomb hmu

IMPAL: Zani 12:30pm vel kham Thoubal District a Heirok Part-III a Lainou Loukhol an ti hmuna hnuoi an chonaah indopui pahina huna laia mi rocket bomb, vestige bomb ti ko chu chodawk a ni a, Heirok Police Station a Police han an va lak.

Mithiruong lak; Zangnadawmna Rs. 5 lakh ve ve pek dingin an inbiekrem

CCPur: April 29, 2017 nia Singngat Sub-division huop sunga Behiang area-a ralthuom chawi helpawl ni dinga ringhla han GREF/BRO tui chawi dinga fe tanker silaia an kap leia thina tuok pahni - Lallianmang (40) s/o (Retd.) Pastor Chinkhothang Taitom of Behiang le Gnlam Khaute (50) s/o Kamzagin of Singngat hai ruong chu sawrkar thuneituhai le inremna siem a nidungzuiin an ruong post-mortem thaw in April 30, 2017 khan District Hospital Morgue-a inthawk an sung han an



lakdawk tah. Lallianmang hi headquarter veng-a um a pa inah a ruong laklut a ni a, Gnlam Khaute ruong chu Singngat tieng vui dinga phur a nih. Hi thil thung le inza-

10:00 kham V. Hangkhanlian' chengnain, Zehang Lamka ah inbiekna neiin inremna siem a nih. Inbieknaa hin Minister le MLA hai bakah R. Sudhan, IAS, DC, CCPur; Rakesh Balwal, IPS, SP, CCPur le tribe tum tuma thuoitu le JPO thuoitu an thang.

Inbiekremna nei dungzui hin state sawrkarin thina tuok sungkuo hai zangnadawmna Rs. 5,00,000 ve ve May 5, 2017 chenin a pek ding bakah Centre-a inthawh GREF/BRO hnuoia thanguina um ang pek ding ti a nih. Thina tuok

sungkuo hai laia pakhat tak sin pek ding tia ngenna um ruok chu thuneitu han an intiem ngam nawh.

Hi huna hin V Hangkhanlian, Minister le bieltu MLA Ginsuanhau han mithi hai puonin an tuom bakaha ralna thil an inhlan baka Khaipao Haokip, Chairman, ADC/CCPur chun MDC hai aiawin Rs. 5,000/- ve ve a pek baw. An ruong hai hi GREF/BRO chun an In hai chen phurna mawphurna a lak a, department motor in Morgue-a inthawk phurdawk an nih.

TUI THAPHAI DIARY-4

By: L.Keivom



VAWISUN THUPUI

Pathien ngaisak hawina nei an ta, nisienlakhawm thilthawtheina chu awi naw ni hai; chuongang chu nghtat san rawh. Chuongang laia mihai chu inahai luta, suol rikphur nuhmei invet deuhai sala man hlaktuhai kha an ni si a; Chuongang nuhmeihai chu chakna tinrenga thuoihmgang, inchuk rawp si a thutak hre phak ngai naw mi an nih.- 1 Timothe:35-7

Editorial May Day

Khawvel inher liem pei hin hun chi hran hran a min tuok tir hlak. Mihriemhai hi a tiemtu ei nih. Mimal, pawl, kohran, khawtlang, sawrkar le mi pawimaw hai hun tuok hai chu sinsiein a champha ei lawm hlak. Khawvel a hung hmasawna in a hung changkang pei a, Day hmgang hi ei uorin ei ngaipawimaw hle ta a, hmatieng peiah khawm ei la hmgang uor pei ding niin an lang. Ei ni lai ngei khawm birthday lawm ei ngaipawimaw ta hle. Naupang lem chun birthday chu lawm ngei ngei dingin an ngai a. Hi lei hin nu le pa hai chun naupanghai birthday chu ei thei dan danin ei lawmpui hlak. Chura-chandpur District a Day lawm ta hai laia a ropui tak chu ei rama chanchinha a hung lu lum 100 tlingna ei lawmna(Gospel Centenary) kha a la nih. Khang neka ropuia Day hmgangna kha a la um nawh.

Vawisun khawm hi khawvel huopa Ni (Day) pawimaw "May Day" a nih. Hi ni hi khawvel rambung tum tumah ko dan le hmgang dan an ang nawh. Rambung thenkhatin hi ni May Day ti dam, Labour Day ti dam, Workers' Day ti dam le Law Day ti damin an hmgang hlak. Khawvel pumpui huop zawng chun hi Ni hi International Workers' Day tia hmgang a nih. Rambung tina sawrkar han May Day or Labour Day or Workers' Day hi an ngaipawimaw seng a, chawlin an puong seng a nih. Communist rambung hai ah May Day hi an lak ursun tuok hlak. People's Republic of China, North Korea, Cuba le Russia ram haiah chun workforce parade le military hardware hai an inentir hlak.

May 4, 1886 a Hay market, Chicago a sinthawtu nuorna neiha chu police han an kap a, Labours 4 an kap hlum a. Labours thihai hrietzingna dinga May Day or International Workers' Day hi hmgang hlak a nih. International Socialist Congress hmasa tak chu kum 1889 khan Paris ah nei a ni a, hi huna International Workers' Day hi hmgang dinga rawtna a um tan a, Second International Socialist Congress chu 1891 khan nei a ni nawk a, hi Congress a hin International Workers' Day hi hmgang dinga an pawmpui le namnghet a nih.

May Day or International Workers' Day hi khawvel rambung tinin an ngaipawimaw leiin public Holiday a puong a nih. India ramah ngei khawm sawrkarin May Day hi holiday in a puong. Amiruokchu, sin chi tum tum thawtu le private institution hran hran hai chun ngaipawimaw na chang an hriet naw a, May Day hi an uksak lem nawh. Hi lei hin vawisun hin ei rama khawm private institution chun chawl an puong naw a, an sin seng a pangngaiin an thaw ding a nih. Kawvel sawrkar le India sawrkar khawmin hi Ni (May Day) hi a ngaipawimaw a, public holiday-a a puong chun ei rama private institution-hai khawmin an ngaipawimaw ve chu thil awm takel a nih. Tuta kum hi an lo ngaisak naw a lo ni khawma kum thar tieng chu hung hrefu ta hai sienla thil tha a hung ni ring a um.

India rama May Day hmgang hmasa takna chu Madras, tuta Chennai nita hi a nih. Labour Party of Hindustan huoihawtnain May 1, 1923 khan Madras-ah hmgang a nih. May Day hmgang a ni theina dinga hma latu tak chu Labour Kisan Party of Hindustan thuoiu Sinjaravelu Chettair a nih. India rama chun May Day hi "Antarrashtriya Shramik Diwas" ti hmgang a nih. Hindi chun " Kamgar Din", Kannada tawng chun "Karmikara Dinacharane", Marathi tawng chun "Kamjar Diwas" le Tamil tawng chun " Uzhaipalar Dhinam" tia ko an nih.

May Day ei hmgang awg bawh hin India rama National level in Gandhi Jayanti (Gandhi piengchampha), Republic Day le Independence Day hai ei hmgang hlak. Hieng hun hai, kohran le pawl dam, ram irelbawlna hun tawng kum bithliekna hran hran sungah hin, a chengtu a mihriemhai hin iengang hmasawna am ei nei ti hi insut inla, ei hunbi tawng le hmgang chi hran hran hai hi a hlut le a hlutnaw inlang chieng hleng a ti. Day hi a hmgang mei nei ni lova umzie neia ei hmgang a tul. Umzie bova ei hmgang a ni chun ei Day hmgang hin hlutna a nei ngai naw ding a nih.

Table with 4 columns: Hours, Studio/CR/P, Programme, and other details for ALL INDIA RADIO: CHURACHANDPUR PROGRAMME.

Editorial Board Lalmalsawm Sellate: Editor & Publisher Roding L. Sellate: Jt. Editor Ramditum @ Rama Ralsun: Asst. Editor Lalsansuok Pulamte & Samuel Zothanglien@SZ Zote:Sports Joseph Joute: Freelance Lalruotlien Dulien: Computer Assistant Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.

Chalmawi Lungmawi

Kum 1957-a Rengkaia Jocund Company kan indin laia kan rawi-upa le ruol tha, Rengkai lal J.C.Chongkhawlien-in an siel hmingthang CHALMAWI hrietzingna ding le a pi le puhaiin Rengkai an indin dan le sungkuo inthla sawng pei chanchin ziekn, marbul duma LUNGMAWI (Marble Plaque) ropui tak le mawi tak a toulkawta a siem chu ruoiupui buotsaia March 23, 2017-hawng dinga riruong ni sien khawm, ieng huna khawm chat thla el thei an pu L.T.Zuola ngirhmun derdep tak leh innang pal inlaua leiin, David Buhiril thuoiin, an sungkuo le chung tienga lo inlawi tah le van mipui uopna huoiuah, dei dapin kan hawng a. Nazaret tlangval rawia hmel danglamna tlanga inkhawmpui ropui an hmgang tum nekin kan tam lem. Kan thilthaw hi mellung pawimaw tak a ni leiin, hawngtu ngirhmun ka ruolpan a mi' n hlan hi hamtha ka' n ti takzet.

Hi LUNGMAWI lailung ker kuok sunga hin siel hmingthang lu hi inzaum takin an tar a. A chanchin kimchang chu Zoram Khawvel-2 (1993) ah ka ziek a. Chu laia a then chauh chu hang thur suok inla.

"Thlanbung a chhuahsan hma hian Kailiana chuan a sial hmingthang Hmunleta a hmutchhiaa chu a zuk kai chhuak a, Hmar pipu danin 'Sesun Inchavng' nan a hmgang ta a ni.... He sial, Kailiana chhun hi se mak tak a ni a, Hmunleta an awm lai, kum 1900 vel khan Kailiana in hmuah a sepui chuan note duhawm tak, ki to tawh sa chu a hring a. Lem ziaaktuin duhtusama mawi lem a ziaak ang tluk hiala duhtusama siam ang maiin he sial hi a pian a nalhin a hian a, a ki a tha em a; sial tlimpui zinga a tla lai han thlir ila, mihang rual zinga mingo awm ang mai a ni an ti. A hmingah pawh CHALMAWIA an sa reng a a ki seizia chu lehlam lehlaham inches 30 ve a ni a; a ki hmawr ve ve inkar chu inches 50 a ni Piputen , a ki berah bak a lawi thei' an tih ang chi deuh a ni awm e. Dullai sial leh Vankal sial tluk deuthawa se hmingthang a nih avangin Zoram hmum hrang hrang atangin en tur ringawtin mi an lo kal thin niin an sawi.

"Heng hun lai hian khaw inkawng mumal a la awm lo a, sapa vaha kal a ni ber a. Chutiang ram chhengchia leh bumbohah chuan Chalmawia chu nungdama Tui thaphai an kaih thlen tuman an ring lo. Mahse, kawng chhuk chho, kham leh suar nasaah pawh thu awh thakin Chalmawia chuan a rawn kaitu mi sawm rual chu a zui zel a. Sincawl khua an thlen chuan sial chu en turin a khawnawtin an lo chhuak a. "In sial chu a thain a kite chu a va han ropui em? Kailiana sial an tih pawh hei ai chuan a ropui bik chuang lo vang a" an ti nak nak hlawm a. A then chuan, "Kailiana sial ki nen a ki hi a eng nge ropui zawk ang?" an ti bawk a. Se kaitute chuan, "Hei hi a lawm Kailiana sial chu" an tih chuan, "A ni ngei tak ang a.... Hmingthang tlaka ki tha leh lian a nih reng hi!" tiin an amen dial e, an ti.

"Puma zai chhuah hlim leh lar vanglai a ni a. Mizorama sepuiten Chalmawia an thlahna hla tur tuten emaw an lo phuhsak hial a.

Chalngeng, rihsangpui chu liam mah la....Puma, Val zawng rautthla ka hualna ti zel ang che tiin. Chalmawia lungrualpui thin, sepui la dam zawng zawng thlah nan Chalmawia hla tur thlengin an phuhsak bawk a ni.

Vawngawrh tleitir, dam takin leng zel rawh....Puma Laldang that nan Chalngeng ka fam ta e.

".....January 9, 1992 tuk khan Kailiana tupa leh Sailianlunga (Lunga) fapa J. C. Chongkhawliana. Rengkai lal ni lai leh ka thianpa ni bawk chuan a inah tukthuan eiah min sawm a. Italy ram atanga lo kal, kan thian rawn hrui Italo Caraffa, kum 77 mi leh nula Maria Angela Verduchi pawh kan hrui bawk a. A in hlui kawth chuan pakka bilding thar ropui tak a rel lai mek a ni a, chhawng khatna a thheng thaw a. An choka nuam leh zau tak chu thukhawmna pindanan an hmgang a. A kawngkapui ding lamah chuan mawi leh zahawm takin CHALMAWIA LU chu bangah a tar a. Kan Italian thiantie pawhin an hmu duh hle. A chanchin kimchang zawk ka zawh chuan Tui thaphai sulsutute zinga tel ve a lo ni tlat mai! Chuvangin, Zoram khavela ka zina buah hian dinhmun pawimawh tak a luah ta a ni...."

CHALMAWI ki mawizie hi tekhinna dangdai tak, nuhmei-pasal po po thil nei hmgang, hang hriin inla. Zamaw rawng kai amanih, zawro amanih le pulpit tawng lo deua ngaihai chun chuong ang tak chun lo ngai hai sien, leichawina a um nawh. Nuhmei tang vum mawi inthieng that hi intiet le inang char amanih pasal tilnu thieng khawm hih intiet char hi hmu ding a vang el chauh khawm ni loin a um naw tluka ngai a ni angin, ransa amanih ramsa ki, ieng anga inhreuh khawm hi intiet char a um naw tluka ngai a nih. Kum 1988-a Rangoon-a ka um lai Colonel Zakhumin ama ngeia Shan State le Kachin State-a lunglhu sen (ruby) le lunglhu hring (jade) tamna a kawman (command) laia ramsiel a kaphai lu, Mingaladon erpaw bula a ina a tar fek fuk laia ka dit tak mi rochung a nuom a, a tuoi ki mawi tak, chwai awlsam dinga ka ngai chu ka thlang a, chu chu Delhi-a kan Sitting Room-a ka tar hi a nih. Hang thlir vuot chun vawi le chang kihai hi intiet char a hawi a, ei bi chieng ruok chun a ni nawh. CHALMAWI ki danglamna chuh mit lawnga hang en thuok chun a vawi le chang ki indanglamna hmu kher naw ti nih. Christopher Marlowe-in Doctor Faustus -a Helen of Troy hmel thatzie a hrii le Chalmawi inthlanaa Mizorama sepui po po aiawa hla an phuok ei hrii tah kha an indungthul khawpin ka hriet:

Was this the face that launch'd a thousand ships And burnt the topless towers of Ilium? Sweet Helen, make me immortal with a kiss.

O Di & Lalnunneum Lungmawi hawng le zanbu kil hun inkarah ka ruolpa (Upa) Darkamlo Faiheng va kan vak dingin David Buhiril leh Saikawt tieng kan tlan phei a. Darkamlo hi ka neka vawk ek sir hmasa ni sien khawm inchukna tienga keini rawi huong hnawt a ni leiin, thu le hla tieng le hnam ro, abikin cultural dance tuoi thar le hnam bulthut rem that le sukngthet dinga nasa taka thang kan lak laia kan kaiza vengtu le kan mi hmgang tangkai laia pakhat, pa tha, tlawmngai thei, taima, lulul, huoiisen le inpe zo a nih. Hmar Cultural Society (HCS) Chairman (1963-1981) ka ni sunga kan Secretary, Ex-MLA L.Rokung le chungo laia a thi be pawla ngaihai pi le pu huna thilthaw pawimaw le insukhlina an nei changa an lam dan chi hrang hrang tuoi thar tuma kan bei lai khaan a hre mumal an vang tah leiin, mi thangpui thei um suna kan hriet Ngurte lalhai chu belbulah neiin, lam le hla inchuk dingin nunghak-tlangval kan inrieklutitir tawp a. Chuonghai irawitu laia pakhat chu Darkamlo hi a nih. Kum 1969-a Republic Day-a lam dinga Manipur aiawa fe, Hmar Cultural Troupe-a thang a tam lem khaan anni rawi hi an nih.

Darkamlo hin Zoram khawvel fang suok hne hla inlar pahni a phuok a. Pakhat chu Vai hla thluk hmgang a siem, "O di, O di lungrunpi" ti hi a nih. A dang chu, hla keilit ni si, ni mang si lo, thluk chawh pawl a hmgang, "Lalnunneum ka ngai em che, khieng mi awisan naw la" ti a thunawna a hmgang hi a nih. A phuok kum chie hi ka' n dawna chuh a hriet chieng bik ta nawh. Vai hla thluka 1960-a ka hla phuok 'Hmgang Nunrawng' (Dawn ve la nunhluu thamlar hnung) ti hnungna mi a ni leiin, kum 1962 laia mi niin kan pawm tlang. Darkamlo nau lutir a hung pieng khaan a hmgang phuok dinga a mi fiel leiin kan rawi-upa L.Rokung leh kan fe a, 'Lalnunneum' ti ka phuok a, annu kuomah "Thik phal lo, thik awi lo" kan th. Kawngkhatna chuh tu khawm hi thik tlak lo, 'Luah loh

Table with 4 columns: Hours, Studio/CR/P, Programme, and other details for ALL INDIA RADIO: CHURACHANDPUR PROGRAMME.

lungdi' nei deu vawng ei nih. Hringnun sirbi tin hih Lalpa remruotah ei ngai pha ruok chuh, hla phuoktu R. Vanlalzauva dungthulin, "Vanduai bik reng kan awm lo Lalpa remruatah hian" tiin lam suk lam tung khawm lam phei a' n chang hlak.

Foreign Service-a ka lut hnung, 1974 June khan a hun laia ei khawvel run vetu tienami pakhat, LALNUNNEM KA NGAI EM CHE ti ka ziek a. A thupui hi a sei taluo leiin, a hnungah LALNUNNEM tiin kan kei tawi a. Ka tienami ziek le ka ruolpa hla phuok hi thuhmuna ngai pawl tam tak an um a. Ka kuoma ngei khawm vawi tam, "I hla phuok Lalnunneum ka ngai em che ti kha kan sak a" ti-a mi hrii an um. "An nawh, kha hla kha ka ruolpa Darkamlo phuok a na, a tienami kha keia phuok le ziek a nih" ka ti khawmin, "An nawh, i phuok a ni chieng" la ti tawh tawh khawm an tam. Ka tienami ziek le ka ruolpa hla hi ziele khawma ka chanchin ngaiuomum tak tak, ngaiuonaa khawm ka suongtuo phak lo, hmai tim t hak loa mi hrii mawl khawm an bo nawh. Kawng khata chuh, ka ruolpa le kan thu le hla thlung kawp boruoka in bawl an lo um hi kan nihlawna chungchuong a nih. Annu ruok chun, "A phuokna san ka hriet vawng" a tih. Kei chun hieng thil indawn chieng hi panser dam hnung hka a, be thar siem ang nia ka hriet leiin indawn chieng ka nuom nawh.

A hmawri ei phawv vuot tah leiin, hang hrii sei met inla. Tum khat chu kan nu Dari' n, "Mi dang hla i phuok khum a, kei hlakin mahal khat khawm chang ve lo.." tiin a mi suosal tum a. Kei chun fiemthuin, "Khai, khai, khai! Huomhap taluo naw ta! Nang chun dam sunga dingin i mi pumbil vawng annawm.." ka ta, a hrii nawk ngai ta nawh. Tlang rel khawm dawn loa thu riengko khekpui ngamna hi huoiisen le zakmaw thil el khawm a ni nawh; hmgangina khuoizu hning far thla a ni leiin, tu khawm chu khawvel umzie hre taphawt chun inzak le inzapui thila loin, an suong em em thung a nih. Chuong ang mi le lo intawng fuhai, thu le hlaa ngirhmun hlun changthuhai chu mi vangnei chungchuong an nih. Hi ram chanchin hi English hla phuok thiem P.B.Shelley (1792-1822) chun "To A Sylark" ah hieng hka a lo hrii zo der tah kha:

Ei kuirinkupui zaihlalai khawm hi, Lungkham-beidawngna biethu an ni si!

Dawntlang SInlung Academy of Letters (SAL) huoihawtin Rengkai Road-a HSA Campus-ah Inrinni March 25, 2017 (1200-1800hrs) khan "Pherzawl: Thlirvelna" ti thupuia hmgang "Dawntlang" (Seminar) kan hmgang a, SAL Secretary David Buhiril-in a thui a, ka tupa Dr. Lal Dana leh Resource Person-ah kan thang a. Hi hi SAL-in thu le hlaa inpawlna Rengkai a buotsai vawi thumna a ni tah (a hmasa tum hni chuh July 23 le October 3, 2015 khan RPC Vet-ah nei a nih) SAL hi Pastor Thangngur thi champha vawi 70-na, December 20, 2014-a Delhi-a indin a ni a, HSA Delhi Joint Hqrs hmgangin SAL hin Delhi tlanga khawm Seminar vawi thum a huoihawt ta bawh.

December 8, 2016-a Chief Minister Ibobi thui Congress Sawrkarin an hma ela inthlangna um dinga tawkdar thaa an ngai le tlangmihai inthuroolna le inthurool nawna chawh chen vawngna hmangruoa hmgang tum ni awm hrime Revenue Districts thar 7 a puong le inzawm khaan 'Pherzawl District' khawm a hung pieng a. Chu ruol chun khel tam tak a pieng sa bawh a. Vawi khat khawm zawlpuon la inzawnpui nawhai khawmin a' n zawnpui hmasa ni le baw-hla insam khum rawn ni an hung inchu a. A pieng hnung a pieng thu hre hmasatu thenkhatin hringtu nina inchu a pawl thar Demand Committee indin chawp khawm an bo nawh. Khelin taluo a hriet nawh. A thenin a lawmna hla ei phuok a, lu le mawng khawm hre chang loin, pilvut khu chum chum karah umni khamin ei lam a, ei pilvut thai khuk chu eini bawkin khawp lulin ei hap a, "A thang naw chuh lenlai chan!" dam ei la ti nawk deu deu. Mi hrai taituhai hlak lungkham lo: vawkuo pek hun, rawsawt tam hum, Moneypur-a kum nga dana mana danglam a sur hun a nih ti an hriet karh tlat annawm!

Hi hi Vai tawng a 'tamasha', ennuom maka insiem an ti hlak hih a ni el awm. Inruu buoi lai chun inhawi fu el, har fim hnung an pei um lo deuh a ni hmel khawp el. A buoihlakna tak le kawng khatah, a himumna tak chu, ennuom siem ei nih ti ei inhriet naw hi a nih. A ram neitu lema inggai, a tam lem, var lem le kawng jengkima chungnung lema inggaihai lai hin an nina tak hmu fie phak khawpa lungril mit varna nei an um niin a' n lang a. A ram lailung ruom chi te, a ram puma 10% chauh lien-ah, Hindu sakhaw dana chi-hnam (caste) tum tuma indaidanna bangin a daidarna khawvelah, mani seng puon indelkilin, an khawsa a, tlangmi nina tribal ngirhmun hnawlin, hnam (tribal) nina huoihlawnin, tlangmihai laka inthier fihlin, mani le mani inhlem an thaw char char a. Kum 1891-a British sorkarin ram thuneina an hung lak khaan tlangram inenkawlna chu Political Agent huoiuah siein, Manipur Reng kutah an sie nuom nawh.

India ramin zalenna a hmu hnung le kum 1949-a Manipur chu Indian Union-a sung lut a ni lai, India hmar-saka cheng tlangmihai inenkawln dan ding bik an ruohmgang kan Sixth Schedule huoiua Autonomous District Council sungah tlangmihai chengna ram po an hlu lu ta. Manipur ruok chun chuong ang hamthatna chu tlangmihai kuomah pe nuom loin, tlangram inlawng dan ding a hranin Constitution a siem a, kha hmaa tawngkam 'Hill People' (Tlangmihai) ti a hmgang hlak khom kha hmgang nuom ta loin 'Hill Area' (Tlangram) tiin a hung thlak a. Sienkhawm, India Danpui huoiua inhumhalna peka umhai chu mihriem, Schedule Tribes/Caste/minorities an ni a, rambung amanih biel (geographical area, forest reserve) a ni ngai nawh.

Kum 1971/72 khan Manipur sawrkar chun Sixth Schedule huoiua tlangmihai chanvo humhalna dan tak pe phal si loin tlangram district-ah Autonomous District Council (ADC) tehlem indin tumin dan hmgang tlak lo a siem uoi a, tin le ha nei lo ADC inthlangna dam an neitir a. Umzie a nei naw dan chu tlang hriet a nih. A tawi zawngin, Manipur Sawrkar hin India hmar-sak rama tlangmihai inhumhalna ding State dangin an siempek ang hi sunhang khat khawm a la pek nawh. Pek nek hmanin, Revenue District thar siem tienga tiklaila Ibobi an intarvui kha, "Sixth Schedule sunga rawtna hrin hrim chuh dodal vawng ka tih" a ti tawp a nih! Sawrkar Laipuiin Manipura cheng tlangmihai inhumhalna ding iemani bek siempek tula a hriet leia 371-C a Hill Area Committee Article an sie tawh tawh khawm hi mumal nei thei loa siemtu chu a ta tamma tienga mihai an nih.

Ei ngirhmun inhnokzie le siem rel a tulzie hre chieng ei tlawm. Nasa taka inhril hriet a pawimaw. SAL thil tum chu kawng iengkimah inhril hriet sin a thei ang anga thaw a nih. Pherzawl District thu-a khom January 28, 2017 khan 'Pherzawl: The Road Forward' ti thupuia hmgang JNU-ah 'Dawntlang' hlawtling taka nei a ni a, tusa HSA Campus, Rengkai Road-a nei hi a tum hnina a ni tah. Hi le inzom hin artikul iemani zat insuo a ni ta bawh. Ei ngirhmun ei hriet chieng dan ang peiin phusa hrang hrang a la suok thei a, kum 2015-a phusa kha a aitecheuna chauh a la ni thei. Hmunhnawh intieing khawm inthiel hi thil awlsam a ni ngai nawh. Varna le hrietthiemna ei mamaw. A tha tak ei beisei lain a se tak khawm ei tawng thei. Ram thlang khat intawng ei ni leiin mania puon indelkil tum seng nekin indaw tuo thiem a ngai. Chu taka chun renga dam khawsuokna thuruk a um: Sem sem, dam dam; ei bil, thi thi. (April 21, 2017 Friday, Delhi).

Social media-a tawngkam mawilo a post leiin Assam-ah DSP man a nih

GUWAHATI: Assam-a Deputy Superintendent of Police (DSP) Anjan Bora chu social media-a BJP MLA nuhmei pakhat chung a tawngkam mawilo a post tia intumna leiin zani hmasa khan Criminal Investigation Department (CID) han an man a, sienkhawm CJM chun a hnungin bail-in an suo nawk. CID Police station case



lai zet thu indawna nei a ni a. Geetanagar -a a chengna in khawm CID hin an dap a, a cell phone le laptop hai an man bawh a nih. Man a ni le iruol hin Home Department chun Bora hi a sina inthawk an suspend- nghal. Tuta hma khawmin Bora hi thla 7 zet a sina inthawk suspended-a lo um ta a ni a, suspended-na hlip a ni hnungin Kokrajhar hmuna

posting pek nawk a nih. Bora hin BJP nuhmei MLA pakhat chu State Secretariat (tuta Janata Bhawan nit ah) sungah mawilo takin a khawsa tiin social media-ah a post nia hrii a nih. A thu hrii le intumna thua hin sukchiengna (evidence) khawm a nei thu Bora chun Media hai a hrii a, Court-ah a peklut ding thu a hrii nghe nghe.(AT)

Louis Berger bribery thuah Investigators hai tir tum

GUWAHATI: Louis Berger bribery scam thuah Assam sawrkar chun thil umdan suizuitu dingin US-ah Investigator team tir a tum a, sienkhawm tir hun ding le tul hai a la sukfel nawh. Louis Berger bribery

scam hi Guwahati Metropolitan Development Authority (GMDA) in water supply scheme a thawna le inzawma American company in job consultants kuomah thamna a pek tia intumna case a nih. New Jersey Court chun Asia

rambung tum tum haia thamna pea intumna leiin American company-a officer chung a action a lak tah. Assam Police-a Criminal Investigation Department (CID) chun hi case hi an suizui mek a

nih. Senior IAS officer thangan officer iemanizat hi thu hria hin indawna anlo nei ta a, sienkhawm USA a inthawk investigation a thawna details hmu a la ninaw leiin suizuina hi nuom angin a fe hrat naw a nih. (AT)



LAKTAWI
Petrol le diesel man sukpong
NEW DELHI: April 30, 2017 zanrila inthawkh khan Petrol man litre khatah 1 paise le Diesel litre khatah 44 a sukpong a nih. International level-a Petrol le Diesel man kaisang le dollar-rupee exchange rate dungzuiwa thautui man hi sukpong a nih tiin Indian Oil Corporation chun a hrih.

Meghalaya Police in online complaint system

SHILLONG: Meghalaya Police chun Internet fethlenga Police kuoma complaint peklut theina le information peklut theina ding online complaint system a hawng a, complaint petu le nina ruok chu thup tlat ning a tih. Online complaint peklut theina ding hin registration thawin "User account" nei a tul a, account siem zo hnungah registration number hung pek ning a ta, chu hmang chun complaint hi peklut thei a ni ding a nih. (TST)

BSF han Pakistan tieng an tir kir

JALANDHAR: BSF chun zani hmasa khan Pakistan mi teirawl kum 15 mi Razzak chu Punjab-a Abohar sector lai hrietnaw lein India ram sungah a hung lut a, Sovarwali check post-a BSF um han mana an hrentang hnungin Pakistan Rangers hai an inhrietir a, chu hnunga Pakistan thuneituhai kutah an pekdawk a nih. Razzak hi International border kana India rama hung lut Pakistan mi mantang lova thuneituhai kuta an inhlanir a 7-na a ni tah tiin senior BSF spokesperson (Punjab Frontier) R S Kataria chun a hrih. (PTI)

1947 partition Archive-ah memorial

CHANDIGARH: Indo-Pak international border Attari-Wagah a inthawkh km. 2 a hla Sarhad Food and Culture Park a chun 1947 partition Archive in border memorial indin a tum. Memorial hi August thla tawp vela mipui lut thei dinga hawng hman beisei a nih. (ENS)

BSNL in NE ah Towers 111

SHILLONG: Bharat Sanchar Nigam Limited (BSNL) chun NE-ah BSNL network thalem a um theina ding Meghalaya, Mizoram le Tripura haia towers 111 a phun sa ding th General Manager, BSNL, K.K. Saxena chun zani hmasa khan a hrih. Services tieng-pangah tuhin BSNL chu Airtel le Aircel hai ti loah position pathumna a nih tiin a hrih baw.

Niti Aayog in kum 2024 a inthawkh LS le Assembly Election a ruolin phase 2 a nei dingin

NEW DELHI: Niti Aayog chun, election campaign a sum seng suk tlawmna ding le sawrkar sukbuoina a um nawna dingin kum 2024 a inthawkh Lok Sabha le Assembly election a ruolin phase 2 nei dingin rawtna a siem. Hi thila ding hin Election Commission chu nodal agency a ruot niin suggestion le road-map siemtu ding working group indinna mawphurna pek a nih.

Kum 2017-18 -2019-20 action agenda draft dungzuiin hi chungthua final report chu thla 6 sunga zo a tul ding bakah final blueprint chu March 2018 vela zo hmang ding a nih.

Hi le inzwama draft report chu April 23, 2017 khan state Chief ministers le an zawmpui dang

BrahMos cruise missile air version ensin thei dinga zofel

BHUBANESWAR: BrahMos Aerospace Limited chun BrahMos supersonic cruise missile air version thar an siem chu ensin (trial) thei dingin a zofel ta a, June thla khiin vuongnaa inthawkh kapsuok ning a tih tiin official thusuok chun a hrih.

Su-30MKI fighter aircraft a inthawkh kapsuok na dinga thil tul hai thaw mek a ni a, zo tep a nita a, drop test wavi imanizat thaw hnungah ensinnaa kapsuok ning a tih tiin Defence thusuok chun a hrih. Sukhoi a chun hlawltng taka ensin a nita a, tum anga a fetluong pei chun June thla hin ensinnaa vuongnaa inthawkh kapsuok dinga ti a ni a, hi thila ding hin Air forces chun vuongnaa pahni an pekdawk a nih tiin Brah-

dang hai umna Governing Council members hai lai a lo pek tawl ta a nih.

Niti Aayog rawtna hi hmang a hung ni chun sawrkar ngirlai thenkhat sukchawl annawleh state t henkhat sawrkar fe lai mek hun keisei a hung tul ding a nih.

President Pranab Mukherjee khawmin tukum Republic Day urlawknia thu a hrih huna khan Lok Sabha le Assembly Election hai a ruola nei tha a ti thu a lo hrih a.

Prime Minister Narendra Modi khawmin February thla khiin election a ruola nei tha a ti thu hrih, political parties hai chu ngaituona zau tak nei dingin an fui a, hi thil hi party pakhat annawleh sawrkar I thaw thei ni lovin ei renga lam-



Mos Aerospace official chun a hrih.

Test hi a hlawltng chun BrahMos hi khawvela hieng-gang weapon system missile kapsuok thei hmasa tak a ni ding a nih. Thucena hin khawvelah hnuoi chungah inthawkh, tuipua le boruoka inthawkh kapsuok thei system hi a la um nawh.

BrahMos missile hi India le Russia han thanguola an siem, metre 8.4 a sei niin, khawvela hrat tak, indona hmangruo kg. 300 a rik plur thei a nih. Amiruok-chu, thil vuong lai zinga inthawkh kapsuok ding a ni lein BrahMos Aerospace chun a rikna hi an sukhnuoi met a nih. (ENS)

President common candidate in Opposition hai pumkhatin a siem ding: Sharad Yadav

NEW DELHI: India President inthlangna hung um dinga Opposition parties han common candidate an nei chun BJP hmasuon dingin Opposition party hai lai inpumkhatna a hung inthlang ding a nih tiin senior JD(U) leader Sharad Yadav chun zanikan a hrih.

Kar hmasa khan president common candidate ding thuah Congress president Sonia Gandhi kan hmupui a, Opposition hai thanguolna hi a hung hlawltng chun India ram puma hung todawk mek hi a cheltang zo ding a nih

tiin Mr Yadav chun a hrih.

Tulai hnaia Assembly le Delhi Civic election haiah BJP an hung hrat nasan chu non-BJP political party hai laia inthuruolna tha umnaw lei a ni thu hrih in Opposition parties hai ta dingin tuhi thanguolna hun a nih tiin a hrih.

Opposition party han BJP inrawi NDA candidate inkhingpui dinga candidate an vawp dawk thei ngei a beisei thu Mr Yadav chun PTI a hrih. Opposition common candidate dingin tum ruot an tum ti thu chun, a hnunga la hrihltang a ni ding

thu, tuta an ngaipawimaw tak chu party dang dang hai pumkhatna um a nih tiin a hrih.

Mr Yadav hi experience tha tak nei tah a ni naah thenkhatin Opposition common candidate ni thei dinga an hrihna thu ruok chun comment ieng-khawm a pek nawh.

Kum 2019 a Lok Sabha election hung um ding a ni bawp lein BJP khinglet ding hin President election hunah Opposition leader hai chun common/joint candidate an nei thei ngei an inbeisei a nih. (PTI)

Nuhmei pakhat suolluitu BEST driver 2 man

THANE: Thane Police chun Brihanmumbai Electric Supply and Transport (BEST) driver pahni Sunil More (35) le Arvind Kumbhar (40) hai chu nuhmei pakhat a thu le hla hloa

suolluita intumna le inzwamin an man. Mana um pasal pahni hai hin an loan lak pawisa pek dingin Inah an ko a, chu hunah an lo suollui a nih.

Hi thil hi April 27, 2017

Pope-in North Korea thua inrem dingin a ngen



ROME: Khawvela sakhuo thila mi thilthawtheitak le insangtak, mani khata ro inrel (sovereign) rambung chintak Vatican City awptu, inremna le muongna kawnga hmalatu ropuitaka ngai, Roman Catholic hai Pope Francis chun tulaia khawvel sawrkarhai North Korea chungthua leia an buoinahai chu thraum thang lova boruok sukhnuoina inremna lampui dap dingin a ngen taw.

Boruok sosang pei sukhnuoina dinga hmalak a pawimaw zie a hrih a. Entima dingin Norway chu iengtiklai khawm chuong zawnga hma la dingin an pei zing a nih tiin a hrih. Pope chun, hi buoina hin iengkhawm chaw suk naw nih a. Indona a suok chun "mihiem tamtak" in a thlawin an hringna an chan

a kha tlung a ni a, an suollui lai hi Mobile phone hman-ging video in thla an laka, a hrihdawk chun an that ding thu le a video hi social media-a thedar dingin an vau nia hrih a nih. (PTI)

Indo el thei dingin boruok a lum tah em em a nih. Egypt inzin Pope chun, journalist hai kuomah, "Khawvelah remna siemtu le hmalatu tamtak an um a. An thiema le hunhai pea sin thaw an nih, chu chu Norway khawm hi a nih" tiin a hrihmawi.

Thil umdan le boruok chu a sosang th hle a, a "lum taluo tah" tah lein a lampui umsun chu "inbiakna" chauh a nih tah thu a hrih bawp. Inbiakna le "diplomatic solution" naw chu a dang a um tah naw niin a hrih. Pope chun, UNO chu a hrih ta naw taluo tah a, "watered down" an tah tiin a hrih bawp.

Kum 2003 khan rambung paruk, Korea pahnihai, USA, China, Japan le Russia hai chun North Korea nuclear program thua inbiakna an nei a. Nuclear program a tawpsan chun US in sumdawnngna, fak le dawn a thanguoi ding ti a nih a. Anach, a rakin a siem zing lein 2009 khan an hruk daww nawk a. Chu china inthawkh chun nuclear program sunzawmin nuclear bomb a nei tah nia hriet a nih.

Turkish President Recep Erdogan India ramah



NEW DELHI: Turkish President Recep Tayyip Erdogan le a nuhmei Emine Erdogan hai chu India rama ni 2 sung cham dingin zanikan New Delhi an hung-gtung. Turkish President Erdogan hung inzin ding le inzwam hin Intelligence Bureau (IB) chun security agencies hai venghimna uluk dingin an hrietir bakah New Delhi a cham sung po a vuongna khawm tha taka veng dingin security hai thurawn a pek bawp a nih.

India ram a cham sung hin Jamia Millia Islamia University chun Erdogan hi Honorary degree inhlan bawp an tih. (ANI)

Karnataka-ah loneitu an khai hlum

MANDYA: Karnataka a chun zani hmasa khan Maddur taluk-a Valagere-halli hmunah loneitu pakhat Marigowda (62) chu ama le ama an khai hlum. Bat a hau leia beidawnga hi thil hi a thaw ni dinga ring a nih.

Chun, Mandya hmuna mipui inkhawm huna loneitu Appaji Gowda chun a loan lak bat hau leia beidawngin housing minister M. Krishnaappa hmaah tur dawna ma le ama inthat a tum bawp.

Marigowda hin ram

acres 2 a lien-ah bu, mafu le ragi hai a ching a, hi thila dingin an veng hai pawisa Rs. 4 lakh a bat a, sienkhawm khuo a hung inthaw, a canal haia tui a hung kang vawng leia a thlai ching a hlawsam leia hieng thil hi a thaw a nih.

Appaji Gowda khawm hi a thlai ching a hlawsam leia sawrkar compensation hnawta thla 6 zet a tlanvir hnunga a hlawsam beidawnga hieng thil hi thaw a tum nia hrih a nih. (ENS)

CBSE in CTET kumkhatah vawikhat chau

NEW DELHI: Central Board of Secondary Education (CBSE) chun Class I-VIII inchturtu (teachers) ni theina dinga Central Teachers Eligibility Test (CTET) kumkhatah vawihni pei a huoihawt hlak chu kumkhatah vawikhat chau a huoihawt ta ding thu a hrih.

CBSE chun exam dang dang hieng JEE-Main le NEET exam hai a huoihawt bawp hlak lein an dainaw a, sin a hau taluo lein Assistant Professor ni theina dinga kum tina National

Eligibility Test (NET) exam vawihni a huoihawt hlak khawm vawikhat chau huoihawt dingin HRD ministry a lo inhrietir ta a nih. Exam huoihawtnaa hin sum le tha tam tak seng a ni a, kum khata exam vawihni huoihawt hin candidates hai khawmin kum inhmang inlauna an tlasam pha a, student hai titakna a sukhnuoi a nih tiin senior official chun a hrih.

CTET exam hi kum tin February le September thla haia vawihni huoi-

hawt hlak a ni a, sienkhawm hi chungthua CBSE, HRD ministry le National Council of Teacher Education (NCTE) officials han inrawntlangna an nei hnungin CTET hi kumkhatah vawikhat chau huoihawt ta dinga thlutukna siem a nih. A hun ding ruok chu sukfel a la ni naw a, National Testing Service (NTS) indin dinga rawtna siem a ni a, hi NTS sawrkarin an din hma chun exam hun ding hi bituk thei a la ni hrihaw ding niin ei thu dawngna chun a hrih. (PTI)

Retired Colonel pension ina inthawkh ralthuom le ramsa vun dapdawk

MERUT: Directorate of Revenue Intelligence (DRI) chun zani hmasa zingkar khan Colonel (retd) Devendra Singh chengna in an dap a, pawisafai Rs. 1 crore, ramsa vun, ramsa dang dang ruo bakh Rifles le Pistols 40 le silaimu 50,000 zet an dapdawk.

An thil man hai lai hin Sakei vun, ramsa ki le ru hai a thangsa a nih. DRI hin thu an hmu dungzuiwa darkar 16 lai zet dappui an thaw hnunga hieng thil hai hi an man a ni a, a chunga zieklang hai bakah hin bawm (container) lientak sunga inthawkh sa (meat) kg. 117 zet an dap-

dawk sa bawp a nih.

Col. (retd) Devendra Singh in hi zingkar huna dap a ni a, silai dapdawka um hai hi a licenses hai ruok chu hmu a ni nawh. Retired Colonel hi a naupa le national shooter Prashant Bishnoi khawlam a um ti indawn a ni a, sienkhawm official hai hi a naupa umna

a hrih nuom hri naw niin

Manoj Kumar (Senior Intelligence Officer) chun a hrih.

Hi thil tlung le inzwam hin mi man an la umnaw bakah case khawm registered a la ninaw a, Police chun Prashant Bishnoi hi an zawng zing bakah an In hi security fores han an veng. (ANI)

US President Trump Rating A Lan Hnuoitak

WASHINGTON: Tawngbau inrum le chet inhrawl, sumdawng thientak politics vawikhata dinga khela khawvela rambung thilthawtheitak America President nia, hnuoi mihiem laia thilthawtheitak mihiem/ngirhmun a hung hluoa inthawkh ni 100 tlingnaa chanchin thar a siem nawk tah; ama office White House buotsai ngei media hai Dinner ah a thang nuom nawh.

President a tlinga inthawkh ni 100 tlingna niah ama tantuhaiin Pennsylvania ah rally an neinaa a thuhirina ah chanchinbumi (Journalists) hai chu nasatakin a dem a. Ama chun thutiem pakhat inthawkh pakhat a sukputing pei niin a hrih. Chanchinbuhain an sawiselnahai chu "mi hnawt phak tah lo" journalist hai "fake news" tiin a hrih. Chanchinbuhain an thuziek tha ti naw lein US president po povin an thaw hlak, Journalist tamtak White House Correspondent hai bu an fakpui hlakna Dinner chu a thang naw ding thu a hrih a. Kum 1981 kuma President Ronald Reagan, an kap hliem leia hieng ang White House Correspondent Dinner thang theilo ti lo chu, ama chauh hi President hieng ang Dinner thang lo a la nih. US President phawtin White House correspondent hai bu an fakpui hlak, khawvel milien



milal danghai leh.

Hienglai zing hin Trump a climate change policy ditnawtuahain rally an lo nei bawp a. America mipui laia rating an lak khawm dungzui chun Donald Trump rate chu 40% niin, US President po po ni 100 an tling chena an ratinghai lakah an hnuoi tak a la nih. Hi lei hin Harrisburg a rally mipuihai lai thu hrih media a dem nasa hle. Rating chu media hai thaw angin an ngai a nih.

President sin a thawna coverage an pek dan ah, media hai chu rating "a big, fat, failing grade" pek an phu thu a hrih a. Ni 100 President a tlingna le a thilthaw thathai coverage an pek hne naw taluo hrih, Washington a inthawkh mel 100 neka hlaa a um chu vangei an ti hle thu a hrih bawp. Washington ah Correspondent Dinner an nei lain hmu dangah a lo fe a nih. Media hai a dem angin Hollywood actor hai khawm a dem a. "Washington ah media tamtak le Hollywood actor tamtak inkhawmin

hnuokir thai hi a nih.

Trump chun Obama khan thil a lo sukstet teu a, iengkim a lo sukbuor vawng niin a hrih bawp a. "Indona nasatak" hmasuon ding a nei a, hnena a chang ngei ding niin a hrih bawp. Climate change thuah khawm, "danglamna nasatak" a tlung ding niin a hrih. Climate change tha hin kha hmaa a ngaidan a thlang nawk tah a nih. Paris Agreement khawm kha "hoax" a tia chu tuhin chu a tan nawk tah a nih.

Climate Change chu China siemfawm mei mei a ti h, tuhin chu America mipui nawrna a nasa tah lein, "problem pakhat" solve ngai a ti ve nawk tah. Obama le Leonardo DiCaprio hai climate change hmalakna khawm a sawisel a nih kha.

Ni 100 sunga thaw dinga a tiem a hlawsam dang pakhat chu, Mexico le an inrina bang (wall) insang deu bawl ding ti chu a nih a. Mexico-in a tum ding ti bakah reimburse ding chenin a hrihla chu a thei ta naw a nih.

Trump ni 100 tlingna le inzwamin The People's Climate March an ruol char a, climate change le Trump hmalak dan ditnawtuah nuorna a nih. US Capitol chen fein kum thar mid-term election ah Climate Change hi debate thupui pawimawtak taka hmang an demand a nih.

PIGROW Tablet
VAWK INTHANGNA DAMDAWI
I vawk zawr hun tlingna dingin kum khat nek tam ngahk ngai tanaw nih.

A THATNA:
* PIGROW mum hi Company-hai ti dan ang taka i pek chun thla 5 sungin kg. 70 chungkai hman a tih.
* PIGROW mum hin, i vawk chu i pek tana inthawkh chawl der loin an thang tir thei.

A PEK DAN DING:
* Vawk pakhatnikhatah mum 20 (zingtieng mum 10 le zantieng mum 10) pek ding.
* Box khat ah mum 600 a um a, chu chu thlakhatah sunga a fakzo ding a nih.
* Rawt phita pek in fak awlsam an ti lem.

INCHAWK THEINAHAI:
1. Hmingi
2. L.K. Screen Printing
Bethel, CCPur
Lighthouse Lane, CCPur
8414852391
3. Pet Care Centre, Tiddim Rd. CCPur.
Order tam dan dungzuiin HOME DELIVERY khawm kan thaw thei.

LAWMTHU HRILNA
Hun iemanichena inthawkh ta khan Pile natna ka nei a. Sawt tak tak inhnawmin hun ka hmang a, a chang changin thisen a suok a, ka tawl a hung lienin a hung puom a, ka kawng a hung na a, Gastric a hung um a, ka phing a hung inri rak rak a, ka taksa a hugn chauin ka hung cher deu deu a. Ka beidawngin MV Azad Phusam ka pan a, hun iemanichen a mi enkawl a, tuhin chu ka dam fel tah. Hi lei hin ka lawm hle a, hi chanchinbu hmang hin ka lawmthu MV Azad Phusam chunga ka hung hrih a nih. MV Azad Phusam hi nitin 8AM-4PM inkar sungin Teddim Road, Old Bazar, Near Lamka ICI Church Road-ah pan thei le Mobile Phone Nos. 8014025567/7628890261 haiah biekrath thei a nih.

Lawmthu hrihtu.
Sd/-Sasang
Tuibong, CCPur

DG Assam Rifles a hung inzin

IMPHAL: Lt. General Shokin Chauhan, AVSM, YSM, SM, VSM, Director General, Assam Rifles chu April 28-30, 2017 inkar ni 3 sung chamin Manipur-ah a hung inzin a, Major General Virendra Singh, VSM, Inspector General Assam Rifles (South) chun Manipur security ngirhmun hrilin an hritlang bakah April 28, 2017 khan Governor Dr Najma Heptullah inhmpuini state ngirhmun le thil pawmaw dang dang hai an hritlang.

April 29, 2017 khan DGAR le veteran Assam Rifles hai IGAR (S) hmuna inpawlpaina a nei a, zanikhan Manipur CM NM. Biren Singh an hmupui nawk a, Manipur law & order ngirhmun le thu pawmaw dang dang hai hritlin state administration-ah Assam Rifles chun full support an pek thu CM hi a hril.

Congress sungah in-siem hatna um; Digvijay thlaktu dingin Venugopal ruot

NEW DELHI: BJP in kum 2019 General Election um ding le inzawma hma an lak tan mek laiin Congress sunga khawm insiemhatna umin Congress President Sonia Gandhi chun senior leader le election hmabak Karnataka le Goa in-charge Digvijay Singh banin ama thlaktu dingin Rahul loyalist KC Venugopal a ruot.



sudan Mistry chu Central Election Authority a ruot a ni leiin general secretary a ninaa a mawphurna an thla ta baw.

AICC Central Organizational Election Authority siema um hi Congress President in a approved ta a, Mullapally Ramachandran chu Chairman ning a, Bhubaneswar Kalita le Madhusudan Mistry hai chu member ning an tih tiin party leader Dwivedi chun a hril.

Sonia chun CEA Advisory Committee an din bawk a, hi taka members dingin Shamsheer Singh Dullu, Rajya Sabha MP, Ashk Ali Taq, former MP le Biren Singh Engti, MP hai a ruot.

Sonia hin tuta hma khan Rajasthan CM hlui Ashok Gehlot chu Gujarat-a party incharge dingin a lo ruot ta baw.

Tukum kumtawp tinga election nei ding Himachal Pradesh le Gujarat hai thangan state thekhatna insiemhatna la um nawk dinga ring a nih. (PTI)

Turkey-in official 4,000 a ban nawk

ISTANBUL: Kha hma met, July 2016-a military coup nei President Recep Tayyip Erdogan le thlak tumna le inzawma thuboui le insuina chu a la fe pei a. Pathienni khan sawrkâr mi le sa official 4,000 chu sawrkâr in sina inthawkin a ban tawl nawk.

Anni lai hin 1,000 justice ministry workers, chuang ang zat vel bawk army hotu le air force pilot 100 neka tam an thang niin official thusuok chun a hril. Hi ni lo dang a siema chun TV a dating show khawm a khap, kha hma khan sawrkâr chun a dodal a nih.

Turkey hi a buoi zing zing a, sawrkâr le mipui kârah buoina suok deuh zing bawk a. Inrinni khawm khan khawvêla encyclopaedia lientak, internet-a Wikipedia chu a khap a. Buoina suksuoktu

tiin social networking sites Facebook le Twitter hai khawm a lo khap tah baw.

Coup neiina le inzawma inrawlna nei intum US-based sakhuo thuoitu Fethullah Gulen le inzawma nei hriet Nilaini khan police officers 1,000 lai man an ni tah bawk a, hi hma hin midang official dang dang 9,000 man an lo nih tah baw.

President Erdogan chun Mr Gulen hi ama the thlak tumna Coup-a inrawl a ti tlat a. Gulen ruok chun khêl tiin a hnâwl ve thung.

President Erdogan hi April 16 a Referendum nei tum khan a tam lemin an ram Constitution chu ama power pek belsana dinga thuneina pek a remtih leiin a huongtau tah em em a. Opposition han referendum result en that an rawt khawmin a nuom naw a nih. Nakie chu dictator a la hung ni el an inlaw thu tamtakin an hril.

ENGLIS PREMIER LEAGUE:

Inkhel 34-ah Sunderland chu Premier League-a inthawk an tla fel tah

Inrinni zan Premier League inkhel panga a um a, goal pali char thun a nih. Inkhel hmasa takah Southampton chun Hull City an mikhuol a, goal thun bik um lovin 0-0 in an inhne taw.



Southampton hi tuhni Table-ah pakouona an ni mek a, Hull City ruok chu relegation zone chung charah an um a, point pathum charin an insang lem.

Stoke City le West Ham an inkhel nawk a, anni khawm goal thun bik an um naw. Tuhni Stoke City hi sawmpahinna an ni mek a, West Ham ruok chu sawm pangana an ni ve thung.

Table mawngdâpa um Sunderland chun AFC Bournemouth an mikhuol ve a, AFC hin khuolrâlah goal khata va hrat lemin point hlu tak pathum an va hlaw. AFC ta dinga goal um sun le hratna goal thuntu chu Joshua King a nih

LONDON: Britain lainau, Duke of Cambridge, William le Duchess of Cambridge, Kate Middleton hai nau pahina, Princess Charlotte chu Thawleni, May 2 khin kum hni a tling ta ding a nih. Kum hni tlingna ding chaw a ni laiin a kum le inmil lovin a puitling hrât hle. Princess Charlotte hi a hlu em em a. A nu le pa ta ding chun "van lawmna" ang a nih.

Ama ngaisângtu a fans hai le khawvel mipuihai ta ding chun, ngainatuk, Royal Family-a midang po po neka mi mit latu inthang mek a nih. A pieng a inthawka sawtnawte hnunga a nu kut chunga pawm a ni laia inthawk khawm khan mihai suknuitu a nih ta hrim hrim a. Buckingham Palace inchung a inthawka mipuihai kut vaia hmuok theitu a ni nghâl a nih.

Lainau Princess ni zingin mi narân taka enkawl le a um theina ding le, mipui laka inthawka a him theina dingin an sângkuo In umna Amner Hall, North Folk, Cambridge ah kum 2 sung a uma, hitaka seilien a nih. Charlotte hi Princess



a nia chu mi narân ve tak, Ui le Sakawr hai ngaina (dit) mi a nih a. Hi tak hi a pi Queen Elizabeth a puona a nih.

Malin Anderson £7,000 sengin nene siem

LOS ANGELES: Hmeltha le pieng nal ei tihai khawm, famkim nâwna neiin an inhriet tho a. Mihriem hi a famkim ei um nawzie sukchiengtu a nih; plastic surgery hai hmanga mâni taksa, hmêl siemhatna dinga operation thaw hi. Nuhmei nau noomin dei an hriet nawh, ti ang deuin celebrity nene lien nei noomin sêng rin an nei nawh.



"Love Island" star Malin Anderson chu kum 24 chaw a nia chu a puitlingin a pieng a nal em em a. Amiruokchu, a nene a lien tawkin an bawr ha tâwk nawh a ti chu ni ngei a ti. Tulai hnai khan British Pound £7,000 (Rs.5.74 lakh) sengin an dawm sangtir a. Operation a thaw hnunga an pholangna hmasatak ti thei dingin Spain ah châwl hmangin a fe a. Zakuohuoi (bikini) var style nal tak leh, a pieng nal zie a suklang.

A pieng dan danghai chu nal tâwk an ti tho angin a nal tâwk tho a. A nene suklar le dawmsang met inlang theina dingin, a lien ta bawk leiin a tuom thei ding baw var lien hrui pahni nei a hak

a. A kekawter (panty) var bawk, a pawngna po char thupa mawng bieng po po inlang theina a bun bawk a. A sam dum thla hnapi, titak deuin swimming pool kemit chen tuiah a hei lawn

phei chu operation a thawna an lang nawh. A nal tei a nih.

Malin hi an lar tanna chu ni kuma "Love Island" a inthawk khan a nih. Amiruokchu, a co-star Terry Walsh leh kar thu an nei leiin châwlkâr linaw inthawkin hnawt dawk a nih a. Chu china inthawk chun make-up artist angin a thaw tah a nih. "Love Island" a thangna san chu, "A platform kha nuhmei man iiringna tlasamhai thangpuina dinga hmang ka nuom lei a nih" tiin a hril.

Fak thuan an sum naw leiin harsatna a lo tuok ve tah thu hrilin, a pieng nal naw inti leiin zakuo le kekawr khawm lien deu deuh, a piengzie inlang lona dinghai a hak hlak niin a hril bawk a. Tuhin chun a figure insit a um ta naw leiin "selfie" khawm angle tina lain social media ah khawm a post ngam tah niin a hril.

"Kum 24 ka ni tah a, iengleini an ka taksa thup zingin tuol suok thei lovin um kata?" tiin Health magazine a hril baw.

Britney Spears Radio Disney Music Icon Award Inhlan



LOS ANGELES: Radio Disney Music Award 2017 chu Inrinni khan ropuitakin Microsoft Theatre, Los Angeles ah nei a nih a. In tieng TV a inthawkin naupang le nu le pa tamtakin an lo thir thuoip laiin a hmuna thlak-saktiheim le celebrity tamtak chun hlasak ding le lawmnan la dingin Red Carpet an hraw mek zing bawka.

Kum dangla la um ngai lo, a vavikhatna ding, chawimawina insangtak, Icon Award chu kum 20 neka tam Radio Disney ah hla lo sak tah, "Baby One More Time" saklartu Britney Spears inhlan a nih a. Hero Award chu Nick Jonas inhlan a nih. Britney Spears hi a nauhai pasalte pahni leh an hung a. Ama khawm a la nalin a nauhai khawm an leirâwl ve tah. A nauhai chu

- Jayden (11) le Sean (10) an nih. Britney Spears hi 1990s lai khan naupanghai sukhlimna program All the Mickey Mouse Club ah Mouseketeer hmasatak a nih a. Kum 20 neka tam a hlaihai hi Disney Radio-a ngaihlâk rawntak an nih. Icon Award inhlan huna hin ama inza entirna le chawimawinain Hailee Steinfeld, Kelsea Ballerini, Sofia Carson le a unauu Jaime Lynn ha an perofom bawk. Category hran hran latuhai chu a hnuoia hai hi an nih: Icon Award Britney Spears Hero Award Nick Jonas Best Group Fifth Harmony Best Male Artist Niall Horan Best Female Artist Ariana Grande Song of the Year "Treat You Better" - Shawn Mendes Fiercest Fans Harmonizers

Lekhabu tlangzar

CCPUR: April 30, 2017, 1:00Pm khan Thanmuo Veng, Chiengkonpang-a um L. Thiemoi in a ziek "Vaihawmte Panpithu" ti lekhabu chu Rev. Thangkhoiem, Executive Director, ESC in tlangzarna a nei a, Rev. Tongkhop, Executive Secretary, GBA in inhlan na a nei.

SPANISH PREMIER LEAGUE:

Real Madrid le Barcelona chu title inchunaah hma an sawn ve ve pei



Inrinni zan khan Spanish Premier League inkhel pali a um a. Table-a hmatthuoi-tu ve ve Barcelona le Real Masrid khawm an inkhel a, an hrat ve ve leiin point nang charin hma an la thuo pei. Inkhel hmasa takah Villareal chun Sporting Gijon an mikhuol a, awlsam deuin 3-1 in an lo hne. Half hma minte 33 naah Roberto Soldado chun Villareal a dingin goal hmasa a thun a. Half zo minute 47 naah Cedric Bekambu chun Villareal ta ding bawkin goal khat a hung thun nawk a. Chu hnung minute 10 a liem chauin Bekambu bawkin goal khat a thun nawk a, minute 73 naah Sporting Gijon tiengin Douglas hmangin consolation goal pakhat an thun a chu an ta dingin an hnu taluo tah. Hi dungzui hin table-ah pangana an ni mek

a, Sportig Gijon ruok chu 18-na an ni ve thung.

Inkhel pahniinaah Real Sociedad chun table mawngpha tienga hun hmang zing Granada an mikhuol ve a, 2-1 in an lo hne. Real Sociedad ta dinga goal thuntu hai chu Carlos Vela(45') le Juanmi(85') an ni a, Granada ta dingin Adrian Ramos chun minute 65 naah goal khat a thun bawk. Real Sociedad an hrat le inzawmin parukna an inhlangkai a, Granada ruok chu a hnuoi tak daw-tah 19-na an ni mek.

Season hun tam lem hmatthuoi ni char chun Real Madrid chun Valencia an mikhuol ve a, 2-1 in hne. Barca ta ding hin Luis Suarez chun goal pahni a thun. Goal dang pakhat hi Ivan Rakitic-in a thun a nih. Tuhin Barca hi table-ah pakhatna an ni mek a, Real Madrid leh point 81 ve ve neiin Real Madrid hi vavikhat an inkhel tlawm lem bawk.

Patrick Swayze Jacket Rs. 40 Lakh-a Zawr



LOS ANGELES: "Ghost" le "Dirty Dancing" hai bâkâh "Point Break" leia inlâr em em Patrick Swayze-in "Dirty Dancing" film-a a hak leather Jacket chu Rs.40 Lakh (\$62, 500) (£48,260) zeta zawr/lilam a nih. Julien's Auction-in a nuhmei Lisa Niemi remtinain an lilam a, Amiruokchu, Patrick a tunu Danielle Swayze chun Patrick a thuumhnawhai zawr tha a ti nawh a, auction thul dingin a hril.

Patrick a nuhmei Lisa chun, an pa Patrick ngainatu tamtak an um leiin a ngainatuhai hin a thuumhnaw chen an ngainaa, an dit zâwngchai chu souvenir dingin kawh ve hai sien a nuom leiin a lilam (zawr) niin a hril a. A tunu Danielle ruok chun



a pu thuumhnawhai chu family-in an kawling ding a nih, tiin hienga lilam hi "hmaia ben" ang a nih tiin a hril a. Lilamna thul dinga ngenna online campaign a thawa mi 1, 500 in an sign.

Lisa ruok chu 2009 kuma pancreatic cancer leia a chân tah a pasal Patrick hrietzingna ding le cancer-a nahai thangpuina dingin a thuumhnaw umsun sun lilama a pawisa hai chu Pancreatic Cancer Action Network hai kuoma pek a tunu a nih. Tuta Jacket hi "Dirty Dancing" (1987)-a a hak kha a nih. Beisei dan chun \$4,000-6,000 vela zawr ring a nia chu mi pakhat Glenn ti chauha inhrilin \$62,500-in an châwk tah a nih.

"Ghost" (1990) ti film-a a hak, silk zakuo le Reebok pheikhawk chu \$17,920 a zawr

Aizawl FC I-League 2016-17 Champion A Nih



AIZAWL: India rama football inkhelna insangtak I-League ah an thang kum hnina ding chaw ah Aizawl FC (The Reds) chun I-League 2016-17 ah point tamtak hmuin Champion thar an nih. North East India a inthawka football club I-League a Champion kai thei hmasatak an la nih. Aizawl FC (The Reds) hin Shillong Lajong leh League match a tâwpna tak

ding an khêl a. A tir chun Shillong Lajong-in an hne em em a. Aizawl FC hin field sung hmun tinah an indar a, formation mumal khawm an nei thei nawh. An striker hai duthusan an la hei ni naw nawk nghâl.

Minute kuonaa Asser Pierrick Dipandain Aizawl goal tieng a hei thun lem chun an hne ta naw ding a hawih hle. First half chenah khawm goal dang

thun um lovin an châwl a. Second half ah William Lalnunfel-in minute 67-naa an goal bat a hung sut a. Final score 1-1 chun Aizawl FC chu point 37 inhmutin Champion an nih tah a nih.

Aizawl FC hi ni kum khan Table ah parietna an nia chu legate an nih a. Goa Club pahni an inhnuk daw lein All India Football Federation chun tu kum a laklut nawk a, vang-neia siemin.

Coach Khalid Jamil (40) rawiin an bei a. Inkhel vawi 18 ah point 37 hmuin an sangtak an nih a. An hmelma tak Mohun Bagan, ni khat laia 2-1 hneha changhai ta ding khawmin thaw ngaina um tah lovin Aizawl FC chu an chungah a hung um tah a nih.

Wembley epic battle-ah Joshua in Klitschko ân tlawm

LONDON: British heavy-weight Anthony Joshua (27) le Ukraine heavy-



pet a, anachu a thun nawh. Minute 82 naah Valencia tiengin Daniel Parejo hmangin an goal bat an hung rul a. Goal khat ve ve inang tawk ding ang deua an um hnungin minute 86 naah Real Madrid defender Marcelo chun goal pawmaw em em pakhat a thun leiin an hrat lem ta a nih.

Las Palmas chun Atletico Madrid an mikhuol nawk thung a, mikhuol team Atletico Madrid chu 0-5 tawpin an hrat. Atletico Madrid ta dinga goal thuntu hai chu Kevin Gameiro(2' & 18'), Saul Niguez(17'), Thomas (72') le Fernando Torres(90') hai an nih. Las Palmas tieng Kevin Prince chun minute 65 naah Red Card a hmu bawk.

Inrinni zanrlah Barcelona le Espanyol an inkhel a, Barcelona chun 3-0 in an hne. Barca ta ding hin Luis Suarez chun goal pahni a thun. Goal dang pakhat hi Ivan Rakitic-in a thun a nih. Tuhin Barca hi table-ah pakhatna an ni mek a, Real Madrid leh point 81 ve ve neiin Real Madrid hi vavikhat an inkhel tlawm lem bawk.

weigh boxer Wladimir Klitschko (41) hai chu zani zingkar khan Wembley stadium-ah an inhnek a, Anthony Joshua chun round 11-naah Klitschko chu knockout-a hnebanin

tu'm khawvêla boxer tha tak ti chu mipui hmuah a pholang zang.

Zani zing-kara Joshua in Klitschko a hneban nawk le hin Joshua chun professional fights vawi 19 an khel naah a khingpuihai a la hnevawng a, tuhni heavyweight world tible 3 a hum mek ta a nih. An inhnek huna hin an inhnek thluk ve ve a, sienkhawm round 11 na bak khel thei ta lo ding khawpin Joshua hin Wladimir Klitschko hi a hnek

thluin hratna a chang ta a nih. Tuta Joshua in world champion title a hum mek hai chu IBF, WBA le IBO hai an nih.

Anthony Joshua in Wladimir Klitschko a hneban hnung hin a Briton chun-pui Tyson Fury hming lamin a cho. Fury (28) khawm hi vawi 25 inhnek naah hratna la chang vawng niin vawi 18 hai chu knockout vawng a khing-pui hai lo hne tah, mental tiengpanga harsatna a nei leia a world heavyweight title khawm lo surrendered ta a ni a, tuhni boxing licence khawm nei lo a nih.

Anthony Joshua chu lawmpuini, a chona chu a pawm thu a puong.

Table with 3 columns: Team, Opponent, Time. 14th Hmar Martyrs' Trophy Fixture 1st May 2017 (Thawtanni). YBFC Saikawt vs Leisen FC (12:00 Noon), FAST-B vs Muvanlai Athletics (1:30pm), UKB vs Shanveng FC (3:00pm)